





文苑英華卷第二百十一

詩六

樂府二十



登名山篇一首

秦王卷衣二首

上留田二首

古挽歌七首

怨歌行五首

悲哉行五首

懷哉行一首

獨不見五首

定情篇一首

雜曲五首

憶昔行一首

偈叉行一首

胡笳曲六首

雲中行一首

長干行一首

小長干行一首

江風行一首



登名山篇

李巨仁

名山稱地鎮

一作本鎮地

千仞

一作迢迢

上凌霄雲開金闕迥

一作雲披

金澗

霧起石梁遙翠微橫鳥路珠澗入

一作樹拂

星橋風急青

溪晚霞散赤城朝寓目幽棲地

一作客

駕言

一作尋

追綺季避

一作跡絕

桃源士忘情漆園吏抽簪傲九辟脫屣輕千駟沉

冥負俗心蕭灑

一作疎索

凌雲意蒼蒼聳極天伏眺盡山川壘

峯如積浪分崖若斷

一作斜

煙淺深聞渡雨輕重聽飛泉採

藥逢三島尋真值

一作遇

九仙藏書凡幾代看傳已經年逝

將追羽客千載一來旋

秦王卷衣

吳均

咸陽春草芳秦帝捲衣裳玉檢茱萸匣

一作帶

金泥蘇合香

物芳熏

一作動

複帳餘輝曜寶

一作玉

牀當須晏

一作晏

朝罷

一作朝晏罷

持此贈華

一作龍

陽

同前

陳標

秦家漢闕靄春煙珠樹瓊枝近碧天御氣馨香蘇合啓簾

光浮動水精懸霏微羅縠隨芳袖宛轉鮫綃逐寶筵從此

咸陽一回首暮雲愁色已千年

上留田

梁簡文帝

正月土膏初欲發天馬照曜動農祥田家斗酒群相勞為

歌長安金鳳凰

同前

李白

行至上留田孤墳何崢嶸積此萬古恨春草不復生悲風



四邊來勝斷白楊聲借問誰家地埋沒蒿里塋古老向余  
言言是上留田蓬科馬鬣今已平昔之弟死兄不塋他人  
於此舉銘旌一鳥死百鳥鳴一獸走百獸驚桓山山家之語  
禽別離苦欲去回翔不能征田氏倉卒骨肉分青天白日  
摧紫荆交讓之木本同形東枝顛顛西枝榮無心之物尚  
如此參商胡乃尋天兵孤竹延陵讓國楊名高風緬邈類  
波激清尺布之誼塞耳不能聽

古挽歌

祖孝徵

昔日一作詩驅駟馬謁帝長楊宮旌懸白雲外騎獵紅塵中  
今來向漳浦素蓋轉悲風榮華與歌笑萬事盡成空

同前

王烈身茂情樂府作趙徵明

寒日高不一作蒿上明淒淒郭東路素車誰家子丹旌引將去  
原下荆棘叢叢邊有新墓人生病長一作間痛傷別此是長別  
處日暮一作曠野何蕭蕭風悲一作青松白楊樹

同前

孟雲卿

草草閭一作門巷喧車轍塗成位冥寂一作冥冥何所須盡我生  
人意北邙路非遠此別終天地臨穴頻撫棺至哀反無淚  
爾形未衰老爾色猶一作昔纒童穉骨肉安一作不可離皇天若  
容易房帷即靈帳一作虛張庭宇為哀次薤露歌若斯人生盡  
如寄

同前

白居易

丹旌何飛揚素驂亦悲鳴晨光照閭巷轎車儼欲行蕭條



九月天晚出洛陽城一作哀挽借問送者誰妻子與弟兄  
蒼蒼古原上一作挽我我開新塋含酸一悲一作哭異日  
同哀聲舊壠轉蕪絕新塋日羅列春風秋草北却山此地  
年年生死別

同前三首

于鵠

雙轍出郭門綿綿東西道送死多於生幾人得終老見此  
切肝腸一作肺肝唯有一一作不如歸山好不聞哀哭聲默默安懷抱  
時盡從奄終一作物化又免生憂擣一作擾世間壽者稀盡為悲  
傷早一作惱

二

送哭誰家車靈車紫帶長青童抱何物明月與香囊可惜

羅水色看昇入水泉莫愁堦道暗燒漆得千年

三

陰風吹黃蒿挽歌渡秋水車馬却歸城孤墳明月一作月明裏

怨歌行

梁簡文帝

十五頗有餘日照杏梁初娥眉本多嫉掩鼻特成虛持此  
傾城貌翻為不肖軀秋風吹海水寒霜依玉除月光臨戶  
映荷花依浪舒望簷悲隻翼窺沼泣王餘名魚苔生履處沒  
草合行人踈裂紈傷不盡歸骨恨難祛早知長信別不避  
後園輿

同前

張正見

新豐妖冶地遊俠競嬌奢池臺間羅綺桃李雜煙霞蓋影



分連騎衣香合並車艷粉驚飛蝶紅粧映落花舞衫飄冶  
袖歌扇掩團一作圓紗玉帳一作狀珠簾捲金樓鏡月斜還疑  
蕭史鳳不及季倫家

同前

虞世南

紫殿秋風冷雕甍落

一作白

日沉裁紈悽斷曲織索引

一作別

離心披庭若

一作羞

改畫長門不惜金寵移恩稍薄情踈恨

轉深香銷翠羽帳弦斷鳳凰琴鏡前紅粉歇陌上綠苔侵  
誰言掩歌扇翻作白頭吟

同前

吳少微

城南有怨婦含愁傍芳

一作倚

叢自謂二八時歌舞入漢宮

皇恩數流盼承幸玉堂中綠陌黃花催夜酒錦衣羅袖逐

春風建章西宮煥若神燕趙美女三千人君王馱德不忘  
新况群艷冶紛來陳是時別君不再見三十三春長信殿  
長信重門晝掩關清房曉帳幽且閑倚窓蟲網氛塵色文  
軒鶯樹一作對桃李顏天王貴宮不貯老浩然掩淚一作淚今  
來還自憐春色轉晚暮試逐佳遊芳草路小腰麗女奪人  
奇金鞍少年曾不顧歸來誰爲夫請謝西家婦莫辭先醉  
解羅襦

同前

曹鄴

丈夫好弓劍行坐說金吾喜聞有行役結束不待車官田  
贈倡婦留妾侍舅姑舅姑皆已死庭花半是蕪中妹尋適  
人生女亦嫁夫何曾寄消息他處却有書嚴風厲中野女



子心易孤貧賤又相負封侯意何如

悲哉行

孟雲卿

孤兒去慈親遠客喪主人莫吟苦辛曲此曲誰忍聞可聞  
不可說去去無期別行人念前程不待參辰沒朝亦恒苦  
饑暮亦恒苦饑飄飄萬餘里貧賤多是非少年莫遠遊遠  
遊多不歸

同前

王昌齡

每聽白頭吟人間易憂愁若非滄浪子安得從所願北上  
太行山臨風閱吹萬長雲數千里倏忽還膚寸觀其微滅  
時精意莫能論百年不容易是處生草蔓始悟海上人辭  
君永飛道

同前

陳陶

中嶽仇先生遺余餌松方服之一千日肢體生異香步履  
如風旋天涯一齋糧仍云爲地仙不得朝虛皇狡兔有三  
窟人生又何常悲哉二廉士餓死於首陽

懷哉行

薛勸

明時無廢人廣廈無棄材良工不我顧有因寧自媒懷策  
望君門歲晏空遲迴秦城多車馬日夕飛塵埃伐鼓千門  
啓鳴珂雙闕來我聞雲雨施天下罔不該何意斯人徒棄  
之如死灰主好臣必效時禁權必開俗流實驕矜得志輕  
草萊文王賴多士漢帝資羣才一言拜將相片善咸居台  
丈夫何不遇爲泣黃金臺



獨不見

劉孝威

夫婿結纓簪偏蒙漢寵深中人引卧内副車遊上林綬染  
瑯琊草蟬鑄武威金分家移甲第留妾住河陰獨寢鴛鴦  
被自理鳳凰琴誰憐雙玉筯流面復流襟

同前

柳惲

別島望風

一作雲

臺天顏

一作泉

臨水殿

芳草生未積春花落

如霞出從張公子還過趙飛鸞奉箒長信宮誰知獨不見

同前

王訓

日晚宜春暮風軟上林朝對酒近初節開樓當夜嬌石橋  
通小澗竹路上青霄持底誰見許長愁成細腰

同前

戴叔倫

前宮路非遠舊苑春將遍玉戶看早梅雕梁數飛一作歸鷺  
身輕逐舞袖香暖傳歌扇自和秋風詞長侍昭陽殿誰信  
後庭人年年獨不見

同前

武元衡

荆門一柱觀楚國三休殿環珮儼一作仰神仙輝光生顧盼  
春風細腰舞明月高堂宴夢澤水連雲渚宮花似霞俄驚  
白日晚始悟炎涼變別島異波潮一作濤離鴻分海縣南北  
斷相聞嘆嗟獨不見

定情篇

喬知之

共君結新婚歲寒心未卜相與遊春園各隨性一作情所逐  
君愛菖蒲花妾感苦寒竹天一作草花多艷姿寒竹有貞葉



此時妾比君君心不如妾簪玉步河堤天一作交韶接綠蕙

鳧鴈將子遊鶯鶯從雙樓君向一作念春光好妾對一作向春

光啼君時不得意棄妾還金閨結言本同心悲歡何未齊

怨咽前致辭願得申所悲人間丈夫易世路婦難為始如

經天月一作始經終若流星馳天月恒終始流星無定期

長思一作佳佳麗人失意非蛾眉廬江小吏一作婦非關織

作遲本願長相對今一作已長相思復有宦遊子結綬從

梁陳燕居從三朝去來歷九春誓心妾終始蠶桑奉所親

歸願未克從黃金贈路人潔婦懷明義從沈河之津于今

千萬年誰當問水濱更憶倡家樓夫婿事封侯去時思照

灼去罷心悠悠不矜一作妾歲晏十載隴西頭以茲當傷

惕百慮恒盈積由來共結禱幾人同匪石故歲雕梁鷲雙

去歸一作來隻今日玉庭梅朝紅暮成碧碧榮始芬敷黃

葉已浙瀝何用念春芳春芳有流易何用重歡娛歡娛俄

戚戚家本巫山陽歸去路何長叙言情未盡采菘已盈筐

桑榆日反景物色盈高岡下有碧流水上有丹桂芳一作香

桂花一作枝不須折碧水自清一作碧潔贈君比芳菲愛一作

受惠常不歇一作滅贈君比一作淚潺湲相思無斷絕妾有秦

家鏡寶匣裝珠璣鑑來年二八不記易陰暉妾無光寂寂

妾至鄙一作委依依今日特為贈相識莫相違

雜曲二首

王筠

烏還夜已逼蠱飛曉尚賒桂月徒留影蘭燈一作臺空結花



可憐洛城東芳樹搖春風丹霞映白日細雨帶輕虹

同前

傳緯

新人新寵住蘭堂翠帳金屏瑋瑋牀叢星不如珠簾色度  
月還同粉壁光從來著名推趙子復有丹唇發皓齒一嬌  
一態本難逢如畫如花定相似樓臺宛轉曲皆通絃管透  
迤徹下風此殿笑語恒長共傍省歡娛不復同訝許人情  
太厚簿分恩賦念能斟酌多作綉被為雙鴛鴛鴦一作鴛鴦長弄綺  
琴贈別鶴人今投寵要須堅會使歲寒恒度前共取星辰  
作心抱無轉無移千萬年

同前

徐陵

傾城得意已無儔洞房連閣未消一作閣未消愁宮中本造鴛

鴛殿為誰新起一作為起新粧鳳凰樓綠黛紅顏兩相發千嬌百

態情無歌舞杉回袖勝春風歌扇當窓似秋月碧玉宮娃

自翻妍絳樹新聲最可憐張星舊在天河上從來張姓本

連天二八年時不憂度傍邊得寵誰相妬立春曆日自當

新正月春幡底舊故流蘇錦帳挂香囊織成羅幔隱燈光

祇應私將琥珀枕暝暝來上珊瑚床

同前

江惣

行行春逕蘼蕪綠織素那復解琴心乍愜南階悲綠草誰

堪東陌怨黃金紅顏素月俱三五夫婿何在今追虜關山

隴月春雪深一作誰見人啼花照戶



憶昔行

杜甫

憶昔北尋小有洞，洪河怒濤過輕舸。辛勤不見華蓋君，良  
岑青輝慘么麼。千崖無人萬壑靜，三步回頭五步坐。秋山  
眼冷魂未歸，仙賞心違淚交墮。弟子誰依白茅室，盧老獨  
啓青銅鎖。巾拂香餘搗藥塵，階除灰死燒丹火。玄圃滄洲  
莽空闊，金節羽衣飄婀娜。落日初霞閃餘映，倏忽東西無  
不可。松風礪水聲合時，青兕黃熊啼向我。徒然咨嗟撫遺  
迹，至今夢想仍猶佐。秘訣隱文湏內教，晚歲何功使願果。  
更討衡陽董鍊師，南浮早鼓瀟湘柂。

偏仄行

贈畢四耀

前人

偏仄何偏仄，我居巷南子巷北。可恨鄰里間，十日不一見

顏色。自從官馬送還官，行路難行澁如棘。我貧無乘非無  
足，昔者相過今不得。實不是愛微軀，又非關足無力。徒步  
翻愁官長怒，此心炯炯君應識。曉來急雨春風顛，睡美不  
聞鍾鼓傳東家。蹇驢許借我泥滑，不敢騎朝天。已令請急  
會通籍，男兒信一作性命絕可憐。馬能終日心拳拳，憶君誦  
詩神凜然。辛夷始花亦已落，况我與子非壯年。街頭酒價  
常苦貴，方外酒徒稀。醉眠速宜相就飲，一斗恰有三百青  
銅錢。

此詩三百五十卷重出，今已削去。

胡笳曲二首

江洪

藏器欲邀一作逢時，年來不相讓。紅顏征戍兒，白首邊城將。



落日慘無光臨河獨飲馬颺颺夕風高聯翮飛鴈下

同前

陶弘景

負宸飛天歷與奪徒紛紜百年四五代終是甲辰君

同前

鄭愔

漢將留邊朔遙遙歲序深誰堪牧馬思正是胡笳吟曲斷  
關山月聲悲雨雪陰傳書問蘇武陵也獨何心

同前

王昌齡

城南虜已合一夜幾重圍自有金笳引能露出塞衣聽臨  
關月苦清入海風微三奏高樓曉胡人掩淚歸

同前

王貞白

隴底悲笳引隴頭鳴北風一輪霜月落萬里塞天空戍卒  
淚應盡胡兒笑未終爭教班定遠不念玉關中

雲中行

薛童

雲中小兒吹金管向晚因風一川滿塞北雲高心已悲城  
南木落腸堪斷憶昔魏家都此方涼風觀前朝百王千門  
曉映山川色雙闕遙連日月光舉杯稱壽求相保日夕歌  
鍾徹清昊將軍汗馬百戰場天子射獸五原草寂寞金輿  
去不歸陵上黃沙塵路飛河邊不語傷流水川上含情歎  
落暉此時獨立無所見日暮寒風吹客衣

長干行

李白

妾髮初覆額折花門前劇郎騎竹馬來遶床弄青梅同居



長千里兩小無嫌猜十四為君婦羞顏未會開低頭向暗  
壁千喚不一回十五始展眉願同塵與灰常存抱柱信豈

耻一作上望夫臺十六君遠行瞿塘滪灘堆五月不可觸猿

聲天上哀門前遲一作行跡一一生綠苔苔深不能掃葉

落秋風早八月蝴蝶來一作雙飛西園草感此傷妾心坐

愁紅顏老早晚下三巴預將書報家相迎不道遠直至長

風沙

小長干行

前人類詩作

憶昔深閨裏煙塵不曾識嫁與長干人沙頭候風色五月

南風興思君下江一作陵八月秋一作風起看一作君發

楊子去時一作悲如何見少別離多湘潭幾人一作到

妾夢常一作越風波昨夜狂風度吹折江頭樹森森暗無邊

行人在何處好乘浮雲驄佳期蘭渚東鴛鴦綠蒲上翡翠

錦屏中自憐十五餘顏色桃花紅那作商人婦愁水復愁

風

江風行一作長

張潮

婿貧如珠玉婿富如埃塵貧時不忘舊富貴多寵新妾本

富家女與君為偶匹惠好一何深中門不曾出妾有綉衣

裳葳蕤金縷光念君貧與賤易此從遠方三千路役思發

竟一作悔不已日暮情更來空望去時水孟夏麥始秀江

上多南風商賈歸欲盡君今尚巴東巴東有巫山窈窕神

女顏常恐遊此方一作果然不知還



文苑英華卷二百一十一

文苑英華卷二百一十二

詩六十二

音樂一

樂八首

琴二十九首

箏十首

笙四首

琵琶三首

篳篥一首

簫一首

笛十四首

雜樂六首

樂

觀樂應詔

梁王暕

趙瑟含清音秦箏凝逸響參差陳九夏依遲紛四上從風  
繞金梁含雲映珠網遞奏豈二八繁絃非一兩幸叨東郭



吹厠陪南風賞忘味信鏗鏘食和終俯仰輕塵已飛散遊  
魚亦翻蕩恩光實難遇詠言寧易放

奉勅於太常寺脩正古樂

隋何妥

見初學記

大樂遺鍾鼓至樂貴忘情俗久淳和變年深禮教生嶰谷  
調孤管崙山學鳳鳴浮雲成武曲白雪作歌名聞詩六義  
辨觀漏八風平肅穆皇威暢淪連河水清鈞天動絲竹  
地響罇鉦盡美兼韶濩威德摠咸英寥亮鳧鍾微飄揚  
羽輕小臣屬千載時幸預簪纓行欣負蒼壁衢壇聽九成

樂部曹觀樂

前人

東海餘風大陶唐遺思深何如觀徧舞奏鼓間縱金清管  
調絲竹朱絃韻雅琴八行陳樹羽六德審知音至道兼韶

濩充庭摠赫任高天度流火落日廣城陰百神諧景福萬  
國仰君臨大樂非鍾鼓且用戒民心

奉和月夜聽軍樂應詔

薛道衡

旌門臨古堞微道渡深隍月冷凝秋夜山寒落夏霜遙空  
澄暮色清景散餘光笳清喧隴水鼓曲噪漁陽沉鬱興神  
思眺聽發天章嵩岱終難學丘陵徒自強

觀太常奏新樂

孔德紹

大君膺寶曆出豫表功成鈞天金石響洞庭弦管清八音  
動繁會九變叶希聲雲和留睿賞薰風悅聖情盛烈光韶  
護易俗邁咸英竊吹良無取率舞抃輕生

同前

卞斌

一作孫萬壽



昔人夢上一作帝尚一作喜預鈞天况茲一作開景業作

樂武功宣大雅一作廢還理乘風毀更懸中和誠易擬韶

夏詎相沿犍為一作磬響徹嶰谷管聲傳小臣濫清耳長

奏南風絃

此詩二百四十卷重出今已削去注異同為一作

於太常寺聽陳國蔡于元所教一作正聲樂

許善心

維陽盛禮樂治定音君臨充庭觀樹羽上一作帝仰縱金

既因鍾石變將隨河海沉湛露廢還序承一作風絕復尋

袞章無舊迹韶夏有餘音澤竭英莖散人遺憂思深悲來

未減瑟淚下正聞琴詎似文侯睡聊同微子吟鍾奏殊南

北商聲異古今獨有延陵聽應知亡國音

三層閣上置音聲

唐太宗見初學記

綺筵移暮景紫閣引霄烟隔棟歌塵合分階舞影連聲流

三處管響亂一作一重絃不似秦樓上吹簫空學仙

琴

秋夜詠琴

劉孝綽見集本

上宮秋露結上客夜琴鳴幽蘭暫罷曲積雪更傳聲

同前初學紀作詠琴

劉漑

寄語調絃者客子心易驚離泣已將墜無勞別鶴聲

日晚彈琴

馬元熙見初學記

上客廠前扉鳴琴對晚暉掩抑歌張女淒清奏楚妃稍視



紅塵落漸覺白雲飛新聲獨見賞莫恨知音稀

賦得為我彈清琴

沈炯

為我彈清琴琴鳴傷我襟半死無人覺入竈始知音空為  
貞女引誰達楚妃吟類聚作心雍門何假說落淚自淫淫

聽琴

蕭愨

洞門涼氣蒲閑館夕陰生絃隨流水急調雜秋風清掩抑  
朝飛弄淒斷夜啼聲至人齊物我持此一作悅高情

賦得詠琴

江惣

可憐嶧陽木雕為綠綺琴田文垂睫淚卓女弄絃心戲鶴  
聞應舞遊魚聽不沉楚妃幸勿嘆此異丘中吟

賦得坐彈鳴琴

楊希道

北林鵲夜飛南軒日斜進調絃發清徵蕩心祛褊悵變作

離鴻聲還入思歸一作相思引長嘆未終極秋風飄素鬢

味琴

前人見初學記

久擅龍門質孤竦嶧陽名齊娥初奏弄趙女正調聲嘉客  
勿遽反繁絃曲未成

同前

劉允濟

昔在龍門側誰想鳳鳴時雕琢今為噐宮商不自持巴人  
緩踈節楚客弄繁絲欲作高張引翻成下調悲

夏彈琴

劉希夷文粹作劉戡

碧天本岑寂素絲何清幽彈為風入松崖谷颯已一作秋  
庭鶴舞白雪淵魚躍洪流余欲娛世人明月難暗投感歎



未終曲淚下不可收嗚呼鍾子期零落歸山一作丘死而  
若有知魂兮從我遊

琴

隱一作名士竹林隈英聲一作鳴琴寶匣開風前綠綺弄月下白  
雲來一作風前中散淮海多為寶一作淮海曾為寶武  
岷舊作臺子期如何聽山水響餘哀丘山有琴室近淮海

寶琴

唐釋彪

吾有一寶琴價重雙南金刻作龍鳳像彈為山水音星從  
徽裏發風來絃上吟鍾期不可遇誰辨曲中心

江上琴與此詩已見一百六十二卷常建

張山人彈琴

前人

居士芳草綠西峯留玉琴豈惟丘中賞兼得清煩襟朝從  
山口還出嶺聞幽音了然雲霞意照見天地心玄鶴下澄  
空翩翩舞松林改絃和一作扣商聲又聽飛龍吟稍覺此身  
妄漸知仙事深其將鍊金鼎未矣投吾簪

琴

王昌齡

孤桐秘虛鳴朴素傳幽真髣髴絃指外遂見初古人意遠  
風雪苦時來江上一作山春高宴未終曲誰能辨經綸

聽琴彈風入松贈楊補闕

前人

商風入我琴夜竹深有露絃悲與林寂清景不可度寥落  
幽居心颺颺青松樹松風吹草白谿水寒日暮聲意去復  
還九辨待一顧空山多雨雪獨立君始悟



秋夕聽羅山人彈三峽流泉

岑參

皤皤岷山老抱琴鬢蒼然衫袖拂玉徽為彈三峽泉此曲  
彈未半高堂如空山石林何颼颼忽在窓戶間纖指弄鳴  
咽清絲激潺湲演漾怨楚雲虛徐韻秋煙疑蕪陽臺雨似  
雜巫山猿幽引鬼神聽靜令耳目便楚客腸欲斷湘妃淚  
斑斑誰裁清桐枝亘以朱絲絃能含古人曲迥與今人傳  
知音難再逢惜君方老年曲終月已落惆悵東齋眠

同張參軍喜李尚書寄新琴

司空曙

新琴傳鳳凰晴景稱高張白玉連徽淨朱絃集作絲擊瓜長  
輕埃隨拂拭雜集作新籟蒲鏗鏘暗想山泉合如親蘭蕙芳  
正聲銷鄭衛古狀掩笙簧遠識賢人意清風願激揚

冬夜陪丘侍御先輩聽崔校書彈琴 揚巨源

雪蒲中庭月映林謝家幽賞在瑤琴楚妃波浪天南遠蔡  
女煙沙漠北深顧盼何曾因誤曲殷勤總是感知音若將  
雅調開詩興未祗丘遲一片心

宿藏公院聽齊孝若彈琴

前人

禪思何妨在玉琴真僧不見聽時音離聲怨調秋堂夕雲  
向蒼梧湘水深

夜集汝州郡齋聽陸僧辨彈琴

孟郊

康樂寵詞客清宵意無窮徵文北山集作窓外惜月南樓中  
千里寂然靜集作愁併盡一樽歡暫同胡為憂楚瑟浙瀝起寒

風



聽琴

前人

颯颯微雨收翻翻橡

集作桐

葉鳴月沉亂岑西寥落三四星

前溪忽調琴隔林寒琤琤聞彈正弄聲不敢枕上聽迴燭

整頭簪漱泉立中庭定步屐齒深久彈月

集作貌

冥冥微

風吹衣襟亦

集作猶

認宮徵聲學道三十年未免憂死生聞

彈一夜中會盡天地情

好彈

集作聽

白居易

本性愛

集作好

絲桐塵機聞即空一聲來耳裏萬事離心中

清暢堪銷疾恬和好養蒙尤宜聽三樂安慰白頭翁

夜調琴憶崔少卿

前人

今夜調琴忽有情欲彈惆悵憶崔卿何人解愛中徽上秋

思頭邊八九聲

聽琴

集作清夜

前人

月出烏棲盡寂然坐空林是時心景閑可以彈素琴清冷

由木性恬淡隨人心心積和平氣木應正始音響餘群動

息曲罷秋夜深正聲感元化天地清沉沉

廢琴

前人

絲桐合為琴中有太古聲古聲淡無味不稱今人情玉微

光彩滅朱絃塵土生廢棄來已久遺音尚冷冷不辭為君

彈縱彈人不聽何物使之然羌笛與秦箏

聽段處士彈琴

方干

幾年調弄七條絲元化工夫

集作分

十指知泉迸清

集作音



雜石底松含細韻在霜枝窓中集作東顧兔初圓夜竹上寒  
蟬盡散時唯有此時集作中心更淨集作靜聲聲堪集作可作後  
人師

聽琴

張喬

清明轉琴一作靜軫弄中湖一作瀟水寒能令坐來客不語自  
相看靜一作淨恐鬼神出急疑風雨殘幾時歸嶺嶠更過洞  
庭彈

同前一作蜀琴

羅隱

寒雨蕭蕭落井梧夜深何處怨啼鳥不知一盞臨邛酒救  
得相如渴疾無

箏

和彈箏人二首

梁孝元帝

橫箏在故帷忽憶上絃時舊柱離移處銀帶手輕一作經持  
悔道啼將別教成今日悲

二

瓊柱動金絲秦聲發趙曲流徵含陽春美手過如玉

詠彈箏人

梁昭明太子

故箏猶可惜應度新人邊塵多澁移柱風燥脆調絃還作  
三州曲誰念九重泉

詠箏

沈約

秦箏吐絕調玉柱揚清曲絃依高張斷聲隨妙指續徒聞  
音繞梁寧知顏如玉



同前

王臺卿

依歌時轉韻按曲動花鈿促調移輕柱亂手度繁絃唯有  
高秋月秦聲獨可憐

玄圃宴各味一物得箏

陸瓊

三五併時年二八共來前今逢泗濱樹定減琴中絃鶴別

霜初緊鳥一作啼月正懸

聽箏

張九齡

端居正無緒那復發秦箏纖指傳新意繁絃起怨情悠揚  
思欲絕掩抑態還生豈是聲能感人心自不平

箏柱子

朱灣

散木今何幸集作良工不棄捐力微慙一柱材薄仰命

群絃且喜聲相應寧辭跡屢遷知音如見賞雅調為君傳

箏

白居易

雲髻飄蕭綠花顏旖旎紅雙眸剪秋水十指剝春葱楚艷

為門閤秦聲是女功甲鳴銀玦璫柱觸玉玲瓏猿苦啼嫵

月鶯嬌語泥風移愁來手底送恨入絃中趙瑟情集作清相

似胡琴調集作開不同慢彈迴斷鴈急奏轉飛蓬霜珮鏘還

委冰泉咽復通珠聯千拍碎刀截一聲終倚麗精神定矜

能意態融歇時情不斷休去思無窮燈下清歌集作青春夜罇

前白首翁且聽應得在老耳未多聾

贈彈箏人

溫庭筠

天寶年中事玉皇曾將新曲教寧王鈿蟬金鳳集作細皆



零落一曲伊州淚萬行

笙

笙

陸罕

管清羅袖拂響合絳脣吹合情應節轉逸態逐聲移所美  
周王子弄羽一參差

同前

沈約

彼美實孤枝孤篠定參差鷓鴣已嘲啞棗下復林離本期

王子晉

初學記  
作宴

寧待洛濱吹

同前

楊希道

短長插鳳翼洪細摹鸞音能令楚妃歎復使荆王吟切切  
孤竹管來應雲和琴

嵩嶽開笙

劉希夷

月出高山東月明山益空山人愛清景散髮卧秋風風止  
夜河清獨夜草蠱鳴仙人不可見乘月近吹笙絳脣吸靈  
氣玉指調真聲真聲是何曲三山鸞鶴情昔余落塵俗願  
言聞此曲今我集作卧嵩岑何幸承幽音神仙樂吾事笙  
歌銘以心

琵琶

琵琶

唐太宗

半月無雙影金花有四時推藏千里態掩抑幾重悲促節  
營紅袖清音蒲翠帷駛彈風響急緩曲釧聲遲空遺關隴  
恨因此代相思



聽鄰人琵琶

陳叔達

本自龍門桐因妍入漢宮香由一作綠羅袖裏聲逐朱絃中

雖初學記作離有相思韻翻將入塞同關山臨却月花藥散迴

風為將金谷引添令曲未終

鄂渚聽杜別駕彈胡琴

劉長卿

文姬留此曲千載一知音不解胡兒語空愁楚客心聲隨  
邊草動意入隴雲深何事長江上蕭蕭出塞吟

箜篌

箜篌

梁簡文帝

揆遲初挑吹弄急持權類聚作特推舞釧響逐絃鳴衫迴半鄣  
柱欲知心不平君看黛眉聚

簫

簫

劉孝綽一作儀

危聲合歌鼓類聚作鼓吹絕弄混笙篴管饒和氣促釵動覺唇  
移仙史安為貴能令秦女隨

笛

賦長笛吐氣清

周宏讓

商聲傳後出龍吟鬱前吐情斷山陽舍氣咽一作吐平陽塢  
胡騎爭北歸偏知引一作別鄉苦羈旅情易傷零淚如交雨

同前

賀徹

胡關氛霧侵羌笛吐清音韻切山陽曲聲悲隴上吟柳拆  
城邊樹梅舒嶺外林方知出塞虜不憚武溪深



詠笛

姚察

作曲是佳人制名由巧匠鵠絃時莫並鳳管還相向隨歌  
響更發逐舞聲彌亮宛轉度雲窓逶迤出黼帳長隨畫堂  
裏承恩無所讓

同前

劉孝孫

涼秋夜笛鳴流風韻九成調高時慷慨曲變或淒清征客  
懷離緒隣人思舊情幸以知音故千載有奇聲

同前

李嶠

羌笛馮龍一作餘聲長吟入夜清關山孤月下來向隴頭鳴  
逐吹梅花落含春柳色驚行觀何子賦坐憶舊鄰情

清溪半夜聞笛

李白

羌笛梅花引吳溪隴水清寒山秋浦月腸斷玉關情

與史郎中飲聽黃鶴樓吹笛

前人

一為仙客去長沙西望長安不見家黃鶴樓中吹玉笛江  
城五月落梅花

觀胡人吹笛

前人

胡人吹玉笛一半是秦聲十月吳山曉梅花落敬亭愁聞  
出塞曲淚滿逐臣纓却望長安道空懷戀主情

江中聞笛

王昌齡

橫笛怨江月扁舟何處尋聲長楚山外曲繞胡關深相去  
萬餘里遙傳此夜心寥寥浦嶼寒響盡唯幽林不知誰家  
子復奏邯鄲音水客皆擁棹空霜遂盈襟疲馬頰北走遷



人悲越吟何當邊草白旌節龍城陰

塞上聽吹笛

高適

雪淨胡天牧馬還月明羌笛戍樓間

一作胡人羌笛戍樓間樓上蕭條明月間

聞笛

李益

回樂峯前沙似雪受降城外月如霜不知何處吹蘆管一夜征人盡望鄉

寄岷笛與宇文舍人

杜牧

調高銀字聲還側物比柯亭韻校竒寄與玉人天上去相將軍見不教吹

寄澧州張舍人

前人

交勻肉好生春嶺截王鑽星寄使君檀的染一作深時痕半月落梅飄處響穿雲樓中威鳳傾冠聽沙上驚鴻掠水分橫想紫泥封詔罷夜深遙隔禁墻聞

夜上受降城

一無此五字

聞笛

李益

一作戍

入夜思歸

一作歸思

切笛聲清更哀愁人不願聽自到枕前來

風起寒

一作塞

雲斷夜深關月開平明獨惆悵落

一作飛

畫一

庭梅

雜樂

詠鍾

李嶠

既接南鄰磬還同

一作隨

北里笙平陵通曙響長樂徹

單題詩作

驚宵聲秋至含霜動春歸應律鳴豈惟恒待扣金籥有餘



清

夜聞簾簾

杜甫

夜聞簾簾滄江上  
衰年側耳情所向  
鄰舟一聽多感傷  
塞曲三更歛悲壯  
積雪飛霜此夜寒  
孤燈急管復風湍  
君知天地干戈滿  
不見江湖行路難

窟磊子人

梁鍾

刻木牽絲作老翁  
雞皮鶴髮與真同  
須臾弄罷寂無事  
還似人生一世中

樓中閱清管

常應物

山陽遺韻在林端  
橫吹驚響迴憑高  
閣曲怨繞秋城漸  
瀝危葉振蕭瑟涼  
風生始遇絲一作管  
賞已懷故園情

詠拍板

朱灣

赴節心長在從繩  
道可集作自觀湏知片木用  
莫向集作作散材看空為歌偏  
苦仍愁和即難既能  
親掌握願得接同歡

聽杜山人彈胡笳

戎昱

綠琴胡笳誰妙彈  
山人杜陵名庭蘭  
杜君少與人友支  
山人沒來今已久  
當時海內求知音  
囑付胡笳入君手  
杜陵攻琴四十年  
琴聲在音不在絃  
座中為我奏此曲  
蒲堂蕭颯如窮邊  
第一第二拍淚盡  
蛾眉沒蕃客更聞  
出塞入塞聲穹廬  
氊帳難為情胡天  
雨雪四時下五月  
不曾芳草生須叟  
促軫變宮徵一聲  
悲兮一聲喜南看  
漢月雙眼明却顧  
胡兒寸心死迴鶻  
數年收洛陽洛陽  
士女皆驅將豈無  
父



母與兄弟聞此哀情皆斷腸杜陵先生證此道沈家祝家  
皆絕倒如今世上雅風衰若箇深知此聲好世上愛等不  
愛琴則明此調難知音今朝促軫為君奏不向俗流傳此  
心

文苑英華卷二百十二

文苑英華卷第二百十三

詩六十三

音樂二附歌舞

歌二十二首

舞七首

歌妓四十三首

歌

歌

李嶠

漢帝臨汾水周仙去洛濱郢中吟白雪梁上繞飛塵響發  
行雲駐聲隨一作嬌子夜新願君聽扣角當自識賢臣

口號踏歌詞

張說

花萼樓前雨露新長安城裏太平人龍銜火樹千重集作燈

焰鷄踏集作上蓮花萬壽集作萬歲春



程